


A *rubá***A** *ntaño*

Den nos Aruba di Antaño tambe tabata e prome biaha, semper tabsatin y lo tin un prome biaha. Laga nos tuma e prome biaha cu nos a mira un auto y mira un chauffeur. Esaki tabata di un dokter y cu te cu e dia di awe su number ta ser menciona. Ta trata di Dokter Hopkins, kende a rece e prome auto riba Aruba, cual a ser asambla dor di dje mes y cu algun ayudo. No ta manera awendia cu nan ta yega na gran cantidad den barco di container. E dokter aki tin su dia especial pa atende su pashentnan na Savaneta, un pueblo di bastante topico y historia di nos isla y nos Aruba di Antaño. Banda di e cas di Anita Bislick, tur diahuebs mainta nan ta hisa un bandera blanco cu un letter D corrá den dje pa indica cu e dokter ta na Savaneta pa consulta. Den cas di Shon Bechi, un muhe gordo, dokter Hopkins tabatin un cuarto, caminda e por a atende hende y yuda su pashentnan. Tin biaha nan mester bai Playa pa tratamento, y esaki tabata keda un poco leu, y e viahe tin di ser haci cu boto. Ora Nina Schwengle, esta wela di Juffrouw Nina y tabatin su rudia hinchá, di manera cu e no por a camna bon, nan ta hibe poni riba e stoel manera Papa di Roma y nan ta bahe den boto pa ti pazuid di misa. Dokter Hopkins tabata e prome hende na Aruba cu a corre auto. Na aña 1915 e auto a yega pida pida y aki mes nan a pone den otro segun e buki di instruccion cu el a bini cune. Diahuebs despues di cu e auto a keda cla, Savaneteronan por a admira e milagro ey "wagen sin cabai". Ora dokter tabata yegando, Ma Nina, cu a caba di saca awa fo'i poz, y cu e bleki di awa riba su cabez, el a tende e pito di e auto, el a spanta asina tanto cu e awa cu e tabata carga a plama tur ariba dje, y el a yega cas papa-muha. Anto e storia no ta asina manera algun hende ta conta, cu Ma Nina a spanta asina tanto di e auto, cu el a bai sconde den laman. E tayernan (tirenán) di e auto tabata masha smal. Julia Kock a waak e "wagen sin cabai" cu tabata pasa y a bai investiga e tracé cu el a laga atras. El a yama esaki "un soldachi grandi". Poco despues cora cu nan tabata mas aconstumbra cu e auto di dokter, un homber a bai contré banda di e bak'isalu, y el a paré pa papia algo tocante maleza di su señora. Papiando el a mara su burico na defensa (bumper) di e auto, y ora dokter a bisa, "Wel, oké, subi numá, anto nos ta bai purá". e homber a habri porta, bula paden, y te ora cu nan a yega na e cas, el a corda riba e burico. Nan a haya solamente e cabuya. E di prome auto a causa tambe e prome accidente na Savaneta, sea no fatal ni mucho serio.. Auto di dokter a dal Nicolaas Kock, cu a ser transporta pa Playa den e auto di e dokter mes.